

Transkription von Urkunde HWI 1330a

Ort, Datierung: Wismar, 1330-04-11

Signatur: Stadtarchiv Wismar, Privilegienbuch 1330

Inhalt: Rat der Stadt Wismar: Stiftungsurkunde für den Deutschen Orden (Dudesches Hus)

In dem namen der hillighen drevaldicheyt . . Amen . Al den yene(n) / den desse yeghenwardighe scrift kumpt tō seende ofte tō hore(n) / de si . witlik . dat wi ratmanne tō der wismer , beyde olde vn(de) nye / bekennen openbare an desser yeghenwardighen scrift vn(de) bethu/ghen .. dat wi hebben ghelaten den aghbaren herren van dem / dudeschen hus . beschedeliken broder Euerde de eyn meyster is / tō liflande . vn(de) broder wýnande deme kummeltvre tō Kraukowe / vn(de) eren nakomelinghen . Eýnen hof an vnser staat tō der wis/mer . Eweliken tō besittende beholtende vn(de) tō besittende mit [...] / danneghem vnderschede vn(de) vorworden alse hir na screuen is / desse hof schal ligghen tō allem lubeschen rechte . also de ande/ren mōneke hōue de in vnser staat belegghen sint . beschedeli/ken der mōneke van doberaan van sunte bernardus orden [...] / van dem cýsmer van sunte benedictus orden .. In deme scho/len se ofte erer nakomelinghe yenich nicht buwen dat der / staat schedelik si ofte erem rechte . Syne cappellen in dren / ghe buwete in dem seluen houe . tō buwende scholen se vn(de) / ere nakomelinghe buwen na vnsem vn(de) vnser nakome/linghe rade eweliken vn(de) wolbethaghe . wanne se auer mo/ghen hebben van vnser gnaden ofte vnser nakomelinghe vnd(e) / willen eýnen kerkhof tō der vorbenomeden cappellen . so ne/men se en gherne . vn(de) anders scholen se des nicht hebben vn(de) / en moghen . . Vortmer . Herren , ritter ofte ander personen schol/len se nicht herberghen in dem seluen houe . sunder aleynen / herren vn(de) brodere van erem orden de moten se wol herber/ghen . Vortmer . jn dem seluen Houe schole wesen veer brodere / inne tō wonende , vn(de) eýn kummeltvre . vn(de) nicht mer , de schol/len yo mit vns vn(de) mit vnser nakomelinghen endrachtich we/sen . vn(de) se scholen och vor vns vn(de) vor vnse staat vn(de) vor vn/se nakomelinghe truweliken arbeýden vn(de) rýden dar it mo/ghelik , is tō weruende vnse werf vn(de) vnser staat . doch op vnser / staat kost . . Wor de och vnse staat belegghet des ghot nicht / wille . dar scholen se helpe to dōn also ander begheue lude de / in vnser staat wonende sýn .. Vor ander plicht vnser staat / tō dōnde scholen se gheuen yowelkes yares , tō yowelkem / sunte mertens daghe . twe mark penninghe lubescher mún/te vns vn(de) vnser nakomelinghen eweliken . so scholen se och / stenbrugghe maken vn(de) betere(n) vmbe den seluen hof ghelike / anderen vnser borgheren . Och en scholen se nenighen erer na//bure dar tō driuen . dat se mit en hogher muren wenne / glindes hoch . . Vortmer scholen se ofte ere nakomelinghe / den seluen hof nemende vorkopen , vorsetten , vorgheuen . / eder an yenighen dinghen voranderen . wen alenen vnser / borgheren mit witschap vn(de) mit volborde vnser vn(de) vnser / nakomelinghe . Vortmer so schole wi vn(de) vnse borghere vn(de) / vnse nakomelinghe sunderlike vordernisse hebben eweliken / van den vorbenomeden broder euerde vn(de) broder wýnande / vn(de) van eren nakomelinghen . vn(de) van al den yenen de dor eren / willen icht dōn vn(de) laten willen . vn(de) gheuen vns de ghnade / dat wi in allen enden erer lande scholen mit vrede vn(de) mit ghe/make vrý bruken sunder yenighes mannes hinder vnser / schýpbrokenen ghodes wor it tō lande dryft . Vortmer so / scholen se efte ere nakomelinghe , binnen vnser staat tō der / wismer , eder binnen der staat vrýheyt , eder rechticheyt . ne/ner hande würde , ofte erue , eder nenerhande acker / ofte ynghelt , ofte ghulde kopen , Jt en sy mit vnser , ofte mit vnser nakomelinghe witschap , mit volbort , vn(de) mit / willen .. Vppe dat alle desse wort vn(de) stücke , de hir vore/screuen stat , vast vn(de)

stede ewichliken bliuen vn(de) dor / nicht ghe menghe , ofte twiuels an kome , de seluen stücke / vn(de) wort tō hinderende , an yēnighen dinghen . So hebbe wi / ratmanne desse seluen scrift heten scriuen vn(de) maken van / vnser weghene , vn(de) vnser menen borgher vn(de) hebben de=/ghenen , den vorbenomeden broder Euerde vn(de) broder / wýnande , vn(de) eren nakomelinghen beseghelet mit vn/ser staat yngheseghele . Jn dem yare na der bort vnser / herren Ghodes Dusent yar . Drehundert yar . an dem / dritteghesten yare . des mitwekens , jn den hilleghen da/ghen tō paschen .